



**O‘ZBEKISTON RESPUBLIKASI MADANIYAT VAZIRINING
BUYRUG‘I**

Toshkent sh.

№ 39

2024-y. “24” yanvar

**Bolalar musiqa va san’at maktablari direktorlari faoliyatini
muvofiglashtiruvchi kengash faoliyatini takomillashtirish
to‘g‘risida**

O‘zbekiston Respublikasining “Ta’lim to‘g‘risida”gi, “Madaniy faoliyat va madaniyat tashkilotlari to‘g‘risida”gi qonunlari, O‘zbekiston Respublikasi Prezidentining “Ma’muriy islohotlar doirasida madaniyat va turizm sohasida davlat boshqaruvini samarali tashkil qilish chora-tadbirlari to‘g‘risida” 2023-yil 27-iyuldagi PF – 114-son Farmoni, O‘zbekiston Respublikasi Vazirlar Mahkamasining “Bolalar musiqa va san’at maktablari to‘g‘risidagi nizomni tasdiqlash haqida” 2016-yil 5-maydagi 144-son qaroriga muvofiq, bolalar musiqa va san’at maktablarida o‘quv-tarbiyaviy ishlarni yanada samarali tashkil etish, ta’lim sifatini oshirish bo‘yicha uslubiy yordam ko‘rsatish maqsadida

BUYURAMAN:

1. Ta’lim sohasini muvofiglashtirish bo‘limi boshlig‘i O.Salixovning 2024-yil 5-yanvardagi 4-son bildirishnomasi ma’lumot uchun qabul qilinsin.

2. Quyidagilar:

Bolalar musiqa va san’at maktablari direktorlari faoliyatini muvofiglashtiruvchi kengash (keyingi o‘rinlarda – Kengash) to‘g‘risidagi nizom 1-ilovaga muvofiq;

Kengashning hududlar kesimidagi tarkibi 2-ilovaga muvofiq tasdiqlansin.

3. **Qoraqalpog‘iston Respublikasi Madaniyat vazirligi, viloyatlar va Toshkent shahar madaniyat boshqarmalari** Kengash faoliyatini samarali amalga oshirishda amaliy yordam ko‘rsatsin.

4. **Ta’lim sohasini muvofiglashtirish bo‘limi** (O.Salixov) Kengash faoliyatini nazoratga olsin va amalga oshirilgan ishlar bo‘yicha monitoring yuritsin.

5. Kengash bolalar musiqa va san’at maktablarining o‘quv-tarbiya jarayonini takomillashtirish, ta’lim sifati va samaradorligini oshirish yuzasidan joylarda o‘quv-seminarlar, ilmiy-amaliy konferensiyalar tashkil etsin va natijasi yuzasidan vazirlikka ma’lumot kiritib borsin.


6. Kengash raisi va a'zolari Kengash faoliyatidagi ishtiroki uchun o'zlari faoliyat ko'rsatadigan bolalar musiqa va san'at maktabining budjetdan tashqari mablag'lari hisobidan har oy oylik maoshining ellik foizi miqdorida rag'batlantirib borilsin.

7. O'zbekiston Respublikasi madaniyat vazirining "Bolalar musiqa va san'at maktablari direktorlarining faoliyatini muvofiqlashtiruvchi kengash tashkil etish to'g'risida" 2022-yil 25-yanvardagi 26-son buyrug'i o'z kuchini yo'qotgan deb hisoblansin.

8. O'zbekiston Respublikasi madaniyat vazirining "Bolalar musiqa va san'at maktablari direktorlarining faoliyatini muvofiqlashtiruvchi kengash tashkil etish to'g'risida" 2022-yil 25-yanvardagi 26-son buyrug'i asosida faoliyat ko'rsatgan Direktorlar kengashi raislari **o'n kun muddatda** Kengash faoliyatiga oid barcha hujjatlarni Qoraqalpog'iston Respublikasi Madaniyat vazirligi, viloyatlar va Toshkent shahar madaniyat boshqarmalari arxiviga dalolatnoma asosida topshirsin.

9. Mazkur buyruq ijrosini nazorat qilishni o'z zimnamda qoldiraman.

Vazir



O. Nazarbekov